

- دیکن تاجی و فریری لباس ایله کیمش اوله رق خارجه چیققدقه پیلاتوس
 ۶ انله اشته بو ادم دیدی * باش کاهنلر ایله محضرلر دخی انی کورنجه
 باغرشوب چارمیخ ایت چارمیخ ایت دیدیلر . پیلاتوس انله انی سز
 ۷ آلوب چارمیخ ایدک زیر ابن انده بر جرم بوله میورم دیدی * یهودیلر
 اکا جواب ویروب بزم شریعتز وار و شریعتز موزجنبه قتله مستحقدر
 زیرا کنديسنی ابن الله ایتدی دیدیلر .
 ۹۸ ایمدی پیلاتوس بو سوزی ایشدکده دها زیاده قورقوب * تکرار
 دیوانخانه یه کیروب عبسی یه سن زهدن سن دیدی ایسده عبسی اکا
 ۱۰ جواب ویرمدی * ایمدی پیلاتوس اکا (خطاب ایدوب) بکا
 سویلزمېسن . سنی چارمیخ ایتکه قدرتم اولوب سنی اطلاق ایتکه
 ۱۱ دخی قدرتم وار ایدیکنی بئلمېسن دیدی * عبسی جواب ویروب سکا
 یوقاریدن ویرلش اولسیدی سنک بنم اوزریمه هیچ بر قدرتك اولز دی
 ۱۲ بونک ایچون بنی سکا تسلیم ایدنک کاهیسی دها بیوکدر * بو سبیدن
 پیلاتوس انک اطلاقه جهد ایتدی اما یهودیلر باغروب اگر بونی
 اطلاق ایتسهک قبصرک دوستی دکلسن کنديسنی ملک ایدن هر (ادم)
 ۱۳ قبصرک علیهنده سویلر دیدیلر * ایمدی پیلاتوس بو سوزی ایشدکده
 عبسی بی خارجه چبقاروب عبرانیسی غباثا اولان طاش دوشمه
 ۱۴ نام محله محکمه کرسېسنده اوطوردی * و فصحك جعه کونی
 و تخمینا ساعت الیه یقین اولوب (پیلاتوس) یهودیلره اشته ملککر
 ۱۵ دیدی * اما انلر قالدر قالدرانی چارمیخ ایت دیو باغرشدیلر پیلاتوس
 انله ملککزی چارمیخ ایدیممی دیدکده باش کاهنلر جواب ویروب
 ۱۶ قبصردن ماعدا ملکمز یوقدر (دیدیلر) * اوزمان انی چارمیخ
 اولمق ایچون انله تسلیم ایتدی انلر دخی عبسی بی آلوب کتوردیلر .